

DE

SERII LACTIS VIR- TUTE LONGE SALU- BERRIMA

QVAM

FAVENTE SVMMO NVMINE

SUB

PRAESIDIO

DN. FRIDERICI HOFFMANN

FACULTATIS MEDICÆ SENIORIS ET h. t. DECANI

AD D. Septembr. A. O. R. M DCC XXV.


PRO GRADV DOCTORIS

RITE AC LEGITIME CONSEQUENDO

Solenni doctorum examini sistet

GOTTLOB HENTSCHEL,

LIGNIC. SILES.


HALÆ MAGDEBURGICÆ,

Typis IO. CHRISTIANI HILLIGERI, Acad. Typogr.



B. C. D.

DISSERTATIO INAUGURALIS
DE
SALUBERRIMA SERI
LACTIS VIRTUTE.

PRÆFAMEN.



Antea est divinæ benignitatis & clementiæ in mortalium genus ubertas, ut in morborum tam ingenti multitudine ac mira varietate, non modo ex regno vegetantium, animalium & mineralium, innumera, varia & efficacissima ad morbosas afflictiones tum avertendas, tum per-
sanandas, remediorum genera, largissime concesserit, sed etiam ipsa quotidiani usus alimenta saluberrimis ad præscindenda & expugnanda gravia mala instruxerit virtutibus. Præclaro inprimis hujus rei exemplo est lac, quod sicuti omni ætati, omni corporis naturæ & tempe-

ramento, ad nutriendum & sustentandum corpus convenientissimum; ita certe inter magna quoque sanitatis præsidia principem jure meritoque sibi vendicat locum, adeo, ut non facile par subsidium, tam quoad virium præstantiam, quam securitatem, in universa rerum natura sit reperiendum. Ast vero, quemadmodum porro nullum magnum & præstantissimæ virtutis remedium, minus recte præparatum, vel non rite & prudenter usurpatum, noxa caret; ita idem etiam in omnis generis lacte ejusque usu, certissime obtinet: eo quod omnium, & alimentorum & medicamentorum natura & conditio, ita plerumque comparata est, ut præter salutare quod alunt principium, aliud etiam minus salubre & noxium commixtum habeant ingrediens, eodemque, nisi administrantis prudentia quod damnum minatur præscindatur, detrimentum injungant. Quare periti utique Medici est, sapienti consilio, ea quæ noxia sunt a salutaribus discernere, dispendiosa arcere, fructuosa admittere & rejectis alienis, ea in usum vocare, quæ sanitatis tutelæ favent; cui scopo obtinendo, paulo exquisitior rerum naturalium, & potissimum Chymicæ notitia, plurimum certe velificatur. Et utilis hæc non minus quam curiosa contemplatio, nos etiam permovet, ut quum specimen ac testimonium eruditionis medicæ practicæ edendum esset, lac potissimum meditationi subjiceremus & medicinalem ejus virtutem asserturi, clarissime demonstraremus: fluidiorem in lacte substantiam, quæ feri nomine effertur, præsentissimum & fere sine pari remedium præbere, crassiorem vero & graviolem terrestrem ejus partem, præsertim a feri connubio penitus sejunctam, nunquam non, tam nutriendi, quam medendi fine, esse perniciosissimam. Ut vero summus ille sanitatis auctor & custos, susceptum hunc nostrum laborem gratia sua benignissime fortunare velit, humillimis efflagitamus precibus!

QUamvis lacte ad alenda animantium ipsorumque hominum corpora nihil detur accommodatius, nihil salubrius, ut recte princeps alimentorum dici mereatur; nihilominus tamen, vix ullum ex alimentorum omnium numero deprehenditur, quod tam infecurum, tam exitiosum multisque gravibus malis ansam præbeat, quam ipsum lac. Quum enim omne omnino lactis genus, ex duplici potissimum substantia, fluida una, altera solida, compositum sit, & nonnisi his unitis & intimius junctis, salutarem exsequatur effectum & corpori blandum concedat nutrimentum: ita certe densata in coagulum caseosa substantia, alienam plane indolem & integritati corporis inimicam, induit. Nihilo tamen secius, vix reperias ullum alimenti genus, quod tam facile mixti dissolutionem admittat, & in quo tam cito partes mixtum constituentes a se invicem discedant & separentur, quam lac animantium; ita prorsus, ut non solum affusis quibusdam liquoribus, ejus crasis facile destruat, sed ipsum etiam sponte fatiscat & cogatur.

§. II.

Scilicet domesticis admodum experimentis satis notum est, omne lac quieti expositum, æstivo tempore, & hieme in conclavi calefacto, longe fere magis si tonitru, si fulgur cœlum percusserit, quam prompte & facile ultro coire, serosa butyracea & caseosa substantia discedente & seorsim in vase obhærescente. Compertum porro est, ab omni liquore acido, vel qui acidum in recessu habet, asperso e.g. ab aceto, succo citri, vino Rhenano, cerevisia, lac coagulari, quod longe promptius incidit, si hoc prius tepefactum fuerit. Id tamen mirabile videtur, quod forte & valde concentratum acidum, cujus generis est oleum vitrioli, minime lac denset, ut potius fluidius

dius id reddat, hanc forsan ob rationem, quod ætherea illa, oleo vitrioli immixta substantia, nisu suo, partes ad coagulum suscipiendum aptas, ita disraret ac circumagat, quo minus coire ac concrefcere possint. De vini autem spiritu hoc commemorabile: quod dilutioris, lacti affusus, vix ullam alterationem eidem inducat, rectificatissimus vero, præsertim liberalius aspersus, mox ut in crassam offam transeat, efficiat; quod quidem hanc ob causam fieri arbitror, quod purissimus hic vini spiritus humidum ex lacte sorbens, secessionem crassioris substantiæ ex poris liquidi caussetur, non secus ac is ipse, saturatum salis ammoniaci spiritum in coagulum vertit.

§. III.

Hæc extra corpus humanum lactis coagulationem promovent: nunc dispiciendum est, quænam in corpore nostro, ad vinculum feri & casei in lacte destruendum, plurimum faciant. Rarius quidem sine acido est ventriculus, quia plurima ex ingestis, tam solidis, quam fluidis, aciditatem recondunt, quæ maxime peracta ciborum solutione remanet, sui juris fit & firmitus ventriculi tunicis inhærescit: attamen, ut natura & viribus hoc acidum differt; ita etiam coagulum, quod lacti inducitur discrepat; aliud nimirum est, lactis mixturam tantum turbare partes crassiores tantisper coire & adhuc in fluidi sinu nantes hæere; aliud est, illas ipsas in durum, firmum & grave, quod fundum petit coagulum transire, quod tenacius ventriculi & intestinorum tunicis agglutinatum, ægre dissolvitur, sed postea peioris indolis excrementiis sordibus sociatum, pessimam morborum graviorum mineram constituit. Id vero non facile contingit, licet acidum ventriculi, paullo fortius sit, nisi ipse etiam stomachus sit infirmus & imbecillis, ut ingesta diutius in ejus cavo moram nectant, & nisi quoq; calore præternaturali,

rali , qui multum lactis mixtioni adversatur , sit affectus.

§. IV.

Ex hisce jam definitis & expensis, quibus corporibus, & in quibus morbis lac, ob coagulum quod in ventriculo subit, noxium ac perniciosum sit, clarissime intelligi potest. Primo enim observamus lactentium infantum pessimas affectiones potissimum a lacte coagulato subnasci, si videlicet copia crassioris lactis, præbendo assiduo mammas, infirmus infantis stomachus plus justo infarcitur, ut contentam molem non debite subigere possit, sed illud in coagulum fatiscat, mora valde acidum & corrosivum reddatur, & accedente in duodeno bilioso succo, confermentatum viridescat, & acrimonia acuta, tenerrimas & exquisite sentientes intestinorum nerveas tunicas arrodendo, sæva cum inquietudine & anxietate tormina, quæ subinde epilepticæ convulsiones lethales subsequuntur, excitet. Porro senibus lac, præsertim id, quod multum caseosæ substantiæ alit, adversissimum est, partim quod omnia ingesta facile in fenum ventriculo coacescant, partim etiam, quod ob solutiorem nimisque remissum motum peristalticum, tam lac ipsum, quam etiam factum coagulum, in stomacho diutius hæreant, ut inde anxii in præcordiis dolores, tormina cum tenelmo, ventris inflatio, suscitentur, sæces cum dolore & alvi arrosione & pruritu secedant, corpus lassetur, ipsaque ciborum appetentia concidat. Vix vero ullus alius affectus est, in quo tam detrimentosus sit lactis usus, quam is, qui vulgo vocari solet hypochondriacus, & in quo, ob plane turbatum concoctionis & excretionis alvinæ a spasimis & copioso flatuum proventu negotium, plures cruditates acidæ, ventriculo ingenerantur, quæ quum lac eo delatum promte coagulent atque præcipitent, mole-

stissima

stiffinia afferunt symptomata. Neque etiam ullo modo expedit, lac ad alendum corpus, dare iis, qui a gravi morbo convaluerunt, quia ut plurimum adhuc imbecillis ventriculus, non subigere hoc validioris materiæ nutrimentum potest, sed diutius retinet, ut stagnatione pessimam induat naturam, variisque malis inducendis faveat.

§. V.

Quibus in morbis sapientissimus noster senex lactiniorum usum prohibeat, *aphorismus 64. Sect. V.* diversis verbis docet, ita habens: *lac dare caput dolentibus malum, malum etiam febricitantibus & quibus præcordia elevata permurmurant; ex siticulosus malum, quibus biliosæ alvi egestionis in febribus acutis sunt, & quibus sanguinis multa egestio facta est.* Quod caput dolentibus noceat, hanc soleo suppeditare rationem. Ingens est ventriculi & capitis ob membranas nerveas consensus, adeo, ut si capiti exquisitus dolor insideat, ventriculus etiam simul afficiatur, & non debite concoctioni, solutioni & ingestorum expulsionem vacet: quin sæpissime etiam capitis dolor ex stomachi vitio ortum trahit, si hic scilicet concoctionis officio minus recte fungitur, & cruditatibus acido-viscidis obsessus est. In utroque casu lactis potus perniciem intentat, ob diuturniorem in ventriculo moram & nocentissimum inductum inde coagulum. Præterea idem gravissimus noster auctor valde febricitantibus lactis usum interdicit; neque etiam huius rei rationem promere erit difficile. Primo enim intensus æstus mixturæ lactis homogenæ valde est adversus, & quotidiano admodum experimento constat, ab externo calore lac promte in casei speciem densari. Deinde alvus in omni febre adstrictior est, vel plane compressa, unde crassior illa, recrementitia & humorum vitalium conubio minus apta lactis materia, remanet, ac febrili

brili causſæ accedens eandem auget, ut ſpaſticæ ſtricturæ quoque increſcant. Ulterius lac malum eſſe iudicat noſter Auctor iis, qui alvi deiectione bilioſa, ſive cholera, torquentur; ſiquidem huius mali cauſſa ſubinde in ſucco valde acido corroſivo, cum ſulphureis bilis partibus remixto & lactis texturæ diſſolvendæ accommodo, poſita eſt. Improbatur quoque lac dare iis, qui nimias ſanguinis egeſtiones experti ſunt, per quas utique ſubtracto nimium calore & ſpiritu, robur & tonus ventriculi ac inteſtinorum, cuius beneficio ciborum ſolutio, chyli elaboratio & fæcum expulſio adminiſtratur, frangitur ac labefactatur, ut hinc lac ingeſtum mora aceſcat, craſſeſcat & hoſtiles fiant prima in regione recrementorum ſtagnationes.

§. VI.

Quod ſi vero præter rationes allatas, in confirmationem accerſimus probatiſſimorum Medicorum auctoritates & teſtimonia; multi certe ſunt veteres æque ac recentiores, in exponenda gravi noxa e lactis in ventriculo coagulo oriunda. Audiamus quosdam tantum. AVICENNA L. IV. Fen. VI. Tr. III. §. 96. de lacte diſſerens, ſi, ait, *lac acidum fit in ventriculo, ab eo vertigo, ſyncope & punctura in ore ſtomachi oritur, & quandoq; accidit inde cholericæ paſſio mortifera.* Et DIOSCORIDES lib. II. cap. 64. bilioſis & hepaticis lac omne ob coagulum reſpuendum eſſe, perite monet, cuius cauſſam MATTHIOLUS, comment. in h. l. hanc adjicit: *lac quod coagulo concreſcit anguſtiam parit, ventriculum opprimit, caput vaporibus replet & ægre concoquitur.* Porro BALLONIUS in L. II. Epidem p. 211. hæc prodidit: *Quidam laborabat fluore dysenterico, poſt multa remedia, conſilio Medicorum ad uſum lactis bubuli recens mulcti adactus eſt; hoc in ventriculo coagulatum, incredibile, quanta inde ſymptomata, quanta defectiones animi & ſimilia.* Refert quoque Henr.

ab HEER *Observ.* 15. quendam a lacte coagulato sudore frigido perfusum, ægre respirasse, ut suffocationem timeret, nausea pressum esse & quaquaversum in lecto sese volutasse, recurrentibus crebro lipothymiis. Alium quendam inde in choleram morbum incidisse, idem Auctor testatur. Accedit AMATUS LUSITANUS *Cent. VI. curat.* 56. memorans: *lac coagulatum pondus grave cum dolore circa præcordia effecisse, & ægrum, cum vomere volebat, mox strangulasse.* Idem etiam auctoritate AETII in dysenterico pessima symptomata a dato lacte, orta fuisse confirmat. Plura autem eandem in rem exempla annotata sunt in DODONÆI *annot.* c. 17. & apud FORESTUM *lib. XIX. obs.* 13. quæ tamen prætermittimus, contenti, quod sciamus, optimos quosque Medicorum, pessimis a coagulato lacte suscitatis symptomatibus, inducti, lactis coagulum veneni naturam obtinere asseruisse.

§. VII.

Quum igitur tam gravia pericula a lacte in ventriculi cavo densato immineant; quid, si coiverit, e re sit, ad arcenda quæ inde pullulant mala, paucis tradendum. SENNERTUS *Lib. VI. Prax. Part. VIII. Cap.* 34. & in *Paralip.* p. 17. emetica huic scopo apta iudicat: & DIOSCORIDES *l. c.* lixivium commendat. Nos autem hanc interponimus sententiam, asserentes: alcaliæ, sive lixiviola, sive terrea sint, ante lactis usum data, eius coagulum, acidum hostile absorbendo, quam optime impedire, & hoc cicurato, solita symptomata, a coagulatione oriunda, opportune præscindere. Si vero densatum jam & coactum sit lac, & quis jam exinde peius habeat, aquea diluentia paulo largius sumta, ut infusum thée, veronicæ, ad coagulatum diluendum, viscidum lentorem dissolvendum & eluendum, usus sunt quam maxime egregii. Si etiam nausea urget & ad vomitum dispositio

litio

fitio adest, hic utilissime promovetur per sufficientem aquæ tepidæ potum, præsertim si adiecto uno vel altero grano tartari emetici soluti, stimulo imbuatur & is facili-
 litetur. Expedit quoque, si vires ferunt, & superne
 & inferne, evacuationem moliri; cui scopo obtinendo
 manna ad uncias duas vel tres, in aqueo vehiculo, una
 cum duobus tartari emetici granis exhibita, plenissime
 satisfacit. Et hæc tam in adultis, quam infantibus ex
 usu esse poterunt, modo medens eadem pro diversa æ-
 tatis viriumque ratione prudenter dispensare & accom-
 modare noverit.

§. VIII.

Verum enim vero, non solum a solidato lacte in-
 tra ventriculi pomœria tantum periculum metuendum,
 sed etiam ipse frequentior lactis, quod parum feri & mul-
 tum caseosæ in coagulum pronæ substantiæ alit, quale est
 lac caprillum, vaccinum & ovillum, potus, non omni-
 bus æque convenit, sed multis exitio est. Etenim mi-
 nus tuto tum ad alendum, tum ad curandum, lac datur, si
 corpora spongiosi & porosi habitus sunt, exilioribus &
 copiosioribus vasis prædita, neque minus ubi copia hu-
 morum spissescantium, ex meris sanguinis tubulis con-
 flata viscera, ut hepar, lien, renes, pulmones, detinet, & infar-
 ctu & stagnatione sanguinis canales repleti sunt; quia pe-
 riculum est, ne a crassioribus lactis partibus, quæ facile feri
 vinculum deserunt, iidem magis infarciantur & oppilen-
 tur. Meretur in huius confirmationem egregius adduci lo-
 cus ex GALENO, quem etiam MARSILIUS FICINUS
*de salubri victus ratione p. 125. allegat, ita habens: frequens
 lactis usus cui modicum serosæ humiditatis, casei vero pluri-
 mum inest, non omnibus tutus est, præsertim renibus ad cal-
 culum generandum paratis; affert quoque obstructions he-
 patis illis, quos aptos invenit, tales sunt, qui vasorum hepa-
 ticorum fines angustos habent.* Et hæc etiam causa subest,

quare AETIUS solícite inculcat, quod qui lacte uti velit, meatus viscerum apertos & venas latas habere debeat. Præterea noxium in hepate affecto lactis usum HIPPOCRATES speciali historia quæ *Lib. III. Epidem.* consignata est confirmat: *Appollonius* inquit, *erat magnis visceribus & circa hepar dolor continuus, & tunc icteritius fiebat, flatuosus, colore subalbido; invaluit primum modicum, decubuit; lacticiuiis vero usus coctis & crudis multis, caprillis & ovillis, & victu pravo, omnium læsiones maximæ erant. Febre exacerbata, alvus nihil reddidit, urina tenuis & pauca.* HIPPOCRATI suffragatur DIOSCORIDES, qui *l. c.* lienosis & hepaticis, comitalibus, vertiginosis & nervorum vitio laborantibus, & capite dolentibus lac omne respuendum esse pronunciat. Neque in difficili est, rationem huius eruere ac sistere. Quum enim graves & longæ, quæ in capite vel abdomine nidulantur afflictiones, plerumque incunabula trahant ex libero sanguinis & humorum per has partes sufflaminato & intercepto progressu, quem postea stagnationes, obstructions, insarctus presso sequuntur pede, & ex his demum in imo ventre cachexia, icterus flavus & niger, hydrops, renum calculus, in capite infania melancholica & furiosa, epilepsia, gravativus dolor, in pulmonibus, polyposæ concreciones, difficilis respiratio, hæmoptysis, phthisis, liberaliter pullulant; in proclivi omnino est judicare: lactis usum, multo magis longius extractum, ob crassicrem & coagulum promptè suscipientem substantiam, obstructionis minimorum canalium augmento potius favere & insensissimum esse, in primis in habitioribus & qui ex nimia quiete & otio vel unctius vivendi genere, valetudinarium corpus sibi contraxerunt.

§. IX.

Verum quo magis noxia & plurimis ingenerandis malis aptissima spissescens & ad coagulum prona lactis materia est; eo magis vicissim naturæ humanæ, sive solidorum & fluidorum temperiei & motibus vitalibus, amica, salutaris atque ad morbos tam præscindendos, quam superandos idonea est, humida illa lactis portio, quæ feri nomine venit. Huius saluberrimam virtutem in medendo dudum jam vetustissimi iique peritissimi Medici perspexerunt & posteris mirifice commendaverunt. DIOSCORIDES, antiquissimus ille & optimus materiæ medicinalis scriptor *lib. II. cap. 64.* hunc in sensum de præstabili feri facultate differit: *Serum ubi discessit a lacte, multo potentius ad purgationes redditur; datur, quibus sine acrimonia volumus deiectiones moliri, ut melancholicis, lepris, elephantiacis & erumpentibus toto corpore papulis.* Huic accedit GALENUS, ex antiquioribus post HIPPOCRATEM facile princeps, ita perhibens: *lactis serum, ob suas abstergendi vires, ad alvi deiectiones, tum potum, tum per clysterem iniectum, assumitur; absque erosione enim abluit & abstergit ab intestinis acrimoniam.* Et alio loco egregias feri virtutes graphice satis, hisce delineat verbis: *serum, inquit simplicissimum mollicribus corporibus præcipue convenit, quorum ventres tantum & intestina abluere purgareque cogitamus; item his quorum intestinum a quacunque medicina facillime ulceratur, & quorum ventres biliosa intemperies vexat, & quos arguunt inania egerendi desideria, quæ tenesmi vocantur, & quorum renes vesica & uterus ulceris periculum subeunt, & gracilibus, qui non aluntur, purgatione vero nihilominus indigent, his omnibus serum exhibendum, nec sale nec quove medicamento adiecto.* Pueris, mulieribus, senibus tutissime hæc medicina datur, vel sub ipso febris fervore, quo præcipue tempore reliqua omnia medicamenta suspecta sunt. Efficaciori sero ute-

tur aliquis, ad corpora & morbos, qui validioribus præsidis indigent, præsertim ad diuturna exanthemata, liventesque varos & ad omnes humorum depravationes, ad cutim tendentes, ut lepram & consimilia; ad antiqua & ferina ulcera, ad capitis achores & huiusmodi, item ad oculos assiduo fluentes, ad palpebrarum scabiem, ad faciei maculas, immo & ad diuturnas febrium periodos, & ad hos, qui ab adversa valetudine in hydropem pergunt.

§. X.

Easdem porro feri lactis eximias dotes, passim in monumentis suis annotarunt & deprædicarunt alii. Et CELSVS lib. I. cap. 12. sero & lacti asinino deiectionariam facultatem adscribit: Deiectionem, ait, antiqui variis medicamentis moliebantur, in omnibus vero morbis dabant lac, vel asininum aut caprinum, eique salis paululum adjiciebant, idque decoquebant, sublatis his, quæ coiverant, quod quasi feri supererat bibere cogeant. Inprimis autem dignum est luculentum MESVES testimonium, quod totum transcribatur: Aqua lactis caprini per se innocuum medicamentum; præfertur quæ fit ex lacte nigrarum caprarum, in laudatis pascuis victitantium recenterque fætorum; attenuat, abluit, abstergit, & nitrosa, qua referta est facultate, alvum absque aliqua mordacitate leniter subducit, bilem tum atram ab exustis humoribus genitam deiecit, quo fit, ut mirifice conferat maniacis & melancholicis. Idem præstat ad viscerum infarctus, & morbis inde provenientibus opitulatur, nimirum aqua intercute laborantibus, felle suffusis & lienosis; datur utiliter febrientibus ex bile, & viscerum ac vasorum obstructione; convenit etiamnum vitis in cute, a bile & perustis humoribus emergentibus, quare lichenibus, vitiliginibus, albis, psoris leprisque admodum convenit. Neque prætereunda AETII, de feri utilitate sententia, quam ita declaravit: Ad pulmonis, intestinorum, renum, vesicæ uterique ulcera & exanthema-

ea cæterasque cutis asperitates, & cantharides, epotum lactis serum mirifice proficuum est.

§. XI.

Misſis autem aliis idem conceptis verbis confirmantibus effatis; jam exallegatis luculenter admodum conſtare arbitror: ſummo in pretio priſcis Medicorum fuiſſe lactis ſerum & frequentiſſimum plurimis in morbis uſum. Nimirum, ut compendio exhibeamus, ad unum fere omnes ſero lactis, virtutem alvum dejicientem, præſertim ubi humores falſi, acres, bilioſi, blande & ſine acrimonia expurgandi ſunt aſſignarunt. Deinde eius uſum in morbis, qui ab acrimonia ſuccorum, cutis teneraſtunicas & fibras nerveas & ſubcutaneas glandulas erodente oriuntur, cuius generis ſunt interne ulcera pulmonum, veſicæ, renum, externe vero lichenes, impetigines, lepra, elephantiaſis & variæ cutis deſœdationes & exulcerationes, quam maxime collaudarunt, non aliam ob rationem, quam quod virtute polleat eximia ſubtiliſſimam illam acrimoniam feri, nec non eam, quæ in venenolis cantharidibus deliteſcit, tam diluendo, quam acies involvendo ac obtundendo, contemperandi, demulcendi & invertendi. Denique etiam ſaluberrimam ſero veteres tribuunt facultatem ad reſerandos & aperiendos obſtructos viſcerum & reliquarum partium meatus, a quibus graves morbi, prout ſuperius dictum, tam in capite, quam in abdominis regione, originem fortiuntur.

§. XII.

Et hæc fuit veterum de ſero lactis eiusque utilitate ſententia; quæ, an veritati & experientiæ reſpondeat, jam diſpiciendum. Quod ut recte & rationali modo exſequamur, inprimis neceſſarium eſt, quo genuina ſeri cuiusvis elementa ac principia, a quibus, ceu a fonte, virtus manat, eruamus & exponamus. Quum
vero

vero ex lactis mixto secedat & obtineatur serum, utile erit, prius perspicere, qua proportionē fluidior & serosa hæc pars, crassiori & minus solubili, in variis usu receptis lactis speciebus, nupta sit & sociata. Experimenta hunc in finem a nobis instituta, huc potissimum redeunt. Sumimus primo libram medici ponderis lactis vaccini, illudque in vase stanneo subiectis carbonibus vivis, evaporationi commisimus, eademq; ad siccitatem usque continuata, obtinuimus, pulverem flavescentem, grumosum, qui ad lancem exactus, unciae unius & quinque drachmarum pondus exhibuit. Simili modo lac caprillum recenter mulctum igne siccavimus, & idem ferme pondus materiae pulverulentæ, deficiente tantum drachma dimidia, remansisse deprehendimus. Lac autem asininum & muliebre insigne prodidit discrimen, & longe minorem solidæ substantiæ apparatus: quippe ex asinini libra una medica, post omnimodam humidi exhalationem, collegimus vix unciam pulveris albi subdulcis; & ex eadem muliebris quantitate, unciam unam materiae siccæ albescentis.

§. XIII.

Siccum hunc ex quovis lacte pulverem ulteriori deinde subiecimus examini, & restibili post exhalationem e bubulo lacte pulveri, qui ad unciae & quinque drachmarum pondus accedebat, aquæ pluvialis duodecim uncias affudimus, carbonibus, ut bulliret & solidum illud magma iterum dissolveretur imposuimus, hoc facto, liquamen colatu per linteum trajecimus, relictum in colatorio spissamentum rursus exsiccavimus, & adhuc ad unciae unius, trium & dimidiæ drachmarum pondus accedere animadvertimus, luculento indicio, unam tantum & dimidiam drachmam subtilioris materiae in aquæ contubernium & cum hac per linteum transiisse. Tum percolatam sic aquam, quæ saporis pinguis & subdulcis

dulcis erat, & colorem ex flavo-albescentem referebat, iterum ad siccitatem l.a. reduximus, & jugi facta eius agitatione, ne empyreuma contraheret, drachmam magnetis ex albo flavescentis terreo-dulcis impetravimus. Eadem experimenta cum lacte caprino adornavimus & nullam fere differentiam, tam ratione ponderis, quam ratione saporis & coloris, in residua materia notavimus, saltem quod in fero lactis caprini sapor paullo dulcior emicaret, & plus pinguedinis instar guttularum supernataret, ac si pauxillum butyri admistum fuisset. Sed longe maior differentia apparuit in pulvere ab evaporatione lactis asinini relicto, quippe qui, unciam unam pondere æquans, libræ medicæ aquæ puræ pariter inspersus & ad ebullitionem & solutionem igne leniori deductus, totus ferme liquatus fuit, ita, ut in colatorio tantum una & dimidia drachma remaneret & septem circiter ab aqua absumerentur linteumque permearent. Liquamen autem quod dulce admodum erat, post omnimodam humidi exhalationem, pulveris siccissimi & albisimi instar sacchari plus quam sex drachmas reliquit. Denique lac humanum & elicitus per evaporationem ex eodem pulvis, unciae unius & drachmæ unius gravitatem exhibens, eodem modo dissolutus & percolatus, reliquit tres drachmas crassamenti spissi in colatorio, liquor autem transiens, iterum resiccatus, pulverem dulcem, coloris ferme subfusci, drachmarum sex circiter pondere concessit.

§. XIV.

Jam si specialius paullo ipsius feri indolem pensitamus, delibatissimam hoc esse lactis a rudiori, crassa & caseosa substantia liberatam partem constat, in qua copiosi aquei humoris hospitio, sal tenerrimum dulce, cum substantia mucilaginosa pingui subtiliori excipitur. Et a tribus his longe saluberrimis elementis omnis quoque

omnino feri medicinalis præstantissima virtus repetenda est. Scilicet palmarium & quantitate reliqua superans feri elementum est, fluida illa & humida portio. Hac igitur viscidos & spissos succos eliquat & diluit, infarctos a lento humore canales eluit & obstructionum in visceribus repagula solvit ac referat. Alterum ejus ingrediens est salinum dulce tenerrimum, quod velut essentielle sal, ex herbis quibus vescuntur animantia extractum & a naturali quasi chymia per varias mixtiones elaboratum, singularem plane excretoria, stimulandi & maxime alvum subducendi & urinam movendi, facultatem habet, simulque acrimoniam humorum biliosam causticam obtundit ac contemperat. Hinc est, quod, quo majori dulcis hujus materiæ copia lac turget, eo efficacius sit ad perpurgandum corpus: id, quod manifestò patet in asinino, quando quidem ad dimidias incoctum, disjecto nimio humido & coëuntibus dulcibus particulis, longe validius & promptius purgantem effectum exsequitur; quod HIPPOCRATI in crebriori usu fuisse legimus. Accedit tertium feri ingrediens mucilaginosum scilicet & subtilior pinguis pars. Hujus ea præcipua laus ac virtus est, ut fibras aridas & crispatas humectet, molliat & relaxet, & falsam acridinem humorum succosque mordaces involvat, deliniet eorundemque noxam arceat.

§. XV.

Hæc sunt feri elementa & hæ inde dependentes virtutes, quas si quis curatius perpendit, ultro a priori statim certa & rationali inductione perspiciet: easdem in plurimis morbis spondere & commodare utilitatem longe saluberrimam. Prius vero quam specialiori meditatione hæc ad varia morborum genera applicemus, præmittemus nonnulla scitu necessaria, feri lactis præparatione, medico usui quam maxime accommodata, nec
non

non modo exhibendi illud. Nimirum communissima
serum a caseosa crassiori, substantia separandi ratio est,
ut accedens calor sub quiete vinculum solvat & seces-
sionem faciat, vel ut eadem aspersis acidis, prout superius
jam meminimus, acceleretur & producat. At vero
quum si mora acefcat lac, vel etiam adiecto acido seri se-
cessus provocetur, hoc non parum vitietur, & naturæ
gratissimam atque in medendo desideratissimam dulce-
dinem exuat, ac potius acetosam indolem, quæ nunquam
corporis integritati blanda & amica est, induat, cogi-
tandum fuit de accommoda quadam & salubriori præ-
parandi ratione, qua ex recenti adhuc lacte, integra
quoque manente eius dulcedine & salva teneriori, pin-
gui & mucida substantia, serosus humor eliceretur & ex-
traheretur. Quod ut perficerem, aptissimus mihi visus
fuit modus, si uti jam narravi, lac recenter multum ex-
halationis ope penitus resiccaretur, & postea residuo fla-
vescenti grumoso pulveri, tantum aquæ purissimæ, levis
& salubris, quantum in forma vaporis in auras disiectum,
affunderetur, hæc invicem tantisper bullirent, ut dul-
cissima salina & pinguis mucida tenerior portio ab aqua
sorberetur, & liquamen denique colatu a crassiori ter-
restri substantia liberatum usui servaretur. Et certe pa-
rata sic per decoctionem lactis aqua, sive serum artificio-
sum, multis præ vulgari splendet dotibus, & coloris ex
flavo albescentis gratissimique dulcis est saporis ac simul
pingui & oleosa substantia liquata perfusum; sine omnis
nausea & calide & frigide assumitur, & diutius quoque
salva textura & sapore durat.

§. XVI.

Ad exhibendi modum porro quod attinet; vide-
bimus primum, qui solennis fuerit tam ratione mensu-
ræ, quam temporis, veteribus, optimis hac in re magi-
stris. Horum monumenta si curatius lustramus; lucu-

lenter patet: eosdem non in exigua, sed satis sæpe magna quantitate, & per tempus etiam satis longum feri lactei usum suavisse; hac tamen cum cautione & distinctione, ut, si primam regionem tantummodo a fordibus purgare niterentur, minori copia & ad paucos duntaxat dies, id præscriberent, si vero in longis morbis, & qui altius viscerum male affectorum penetralibus insidebant, ad eius usum descenderent, diutius & maiori quoque mensura hoc ipsum adhiberent. GALENUS *l. c.* de sero lactis utendi ratione hæc præcepit: *copia feri pro virium ratione expendenda est: ac licet non multum peccaveris, si plus etiam exhibueris; certa tamen mensura ad heminas quinque accedat.* Heminam vero apud præcos duodecim uncias æquasse, pariter ab antiquioribus Medicis memoriæ proditum est.

§. XVII.

HIPPOCRATIS sententia ex *libri VII. sect. I. epidem.* patescit, ubi prodidit: quod in fluxu hepatico, ubi similes loturæ carnis eiectiones copiosæ, albilis vitio factæ, lac asininum, a quo multo magis argumentari licet ad serum lactis, ad quantitatem novem cotylarum Atticarum dederit, non quidem unica vice totum, sed pluribus, ita, ut spatium duorum dierum, tota quantitas absumeretur. Quinimmo ubi purgandi fine eo usus est, semper, prout MARTIANVS in *comm. in aphor. 64. Sect. V.* probe notat, largius id exhibuit, & quandoque ad congi mensuram accessit. Et VALESIVS *Comment. in Epidem. L. VII.* scribit: *erat veteribus familiaris lactis asinini usus ad purgandam bilem, ut constat ex Lib. II. de natura vitii in acutis; quem usum ego non sine magna utilitate sum imitatus, cogens ægrotos accipere huius feri, aut huius lactis, quod etiam est valde serosum, plus quam duos sextarios.*

§. XIX.

§. XIIX.

Quamdiu vero potatio extrahenda iisdem priscis auctoribus ducibus constat. Et quidem si diuturnior & contumacior affectus, HIPPOCRATES lac asininum, vel serum lactis, maxime caprinum, per plures dies potari iussit; quemadmodum ex *libro Epidem. VII.* patet. Serum lactis per mensem & ultra assumi posse, testis gravissimus est RIVERIUS & SYLVATICUS, qui, lacte asinino, & sero lactis, summo cum emolumento, in gravissimis affectibus usus est ad XII, XX. vel XL. etiam dies, & multus est in commendando eius potu. Porro relatum legimus apud HIPPOCRATEM *Lib. de Internis Affectionibus* §. XI. illum in tabe dorsali lac per XLV. dies, tertia aquæ mulæ parte admixta, propinasse. Neque enim in difficilibus & longis morbis, ubi viscera male affecta & obstructa sunt, laudabilem præstare poterit effectum, nisi, ut cum aquis mineralibus fieri solet, liberaliori dosi & per plures dies usurpetur. Nos igitur hunc semper servavimus morem, ut quantitatem pro dosi capiendi feri ægri rationibus accommodaremus, & iis, qui facile nausea tentantur ac teneriores sunt, libram medicam, qui vero firmioris minusque acuti sensus, libras duas propinarem, & nonnunquam mane tantum, quandoque etiam pomeridianis horis, sed parciore quam matutinis quantitate, potum præciperemus. Tempus vero usui impendendum, pariter ex morbi majori vel minore contumacia mensi sumus, & quosdam duobus hebdomadibus elapsis, quosdam vero vix quatuor aut sex decurrentibus, abactos fuisse novimus. Denique etiam cum MARTIANO *Comm. in Hippocr. Aphor. p. 163.* laudamus modum exhibendi lac asininum, vel serum lactis, per vices, non simul & semel; quia si æger debilis & stomachus solutior, tantam molem simul ferre nequit,

& ipsum serum, interpolatis vicibus assumtum, longe felicius & expeditius alvum subducit.

§. XIX.

His expensis, dispiciendum: quibus potissimum usibus & morbis dicatum sit lactis serum. Hos inter primo merito connumerandum est loco: quod ipse HIPPOCRATES, solenne habuerit, ut sero lactis & lacte asinino, post exhibita fortiora purgantia, ut elleborum, elaterium &c. ad arcendam noxam & infringendam eorum deleteriam vim, uteretur. Is enim *Lib. de internis affectionibus* §. 44. post veratrum sumtum, serum caprilum coctum, duorum congiorum mensura bibendum se dedisse testatur; Et *l. c.* §. 41. post nigrum veratrum ventrem superne purgantem, & inferne per scammonii succum, serum & lac bubulum, item asininum coctum, ad purgationem præbendum esse auctor est. Porro *Lib. II. de morbis mulierum* §. XII. ita sapienter differit: *post veratrum datum, serum coctum, per plurimos dies, cum modico sale bibendum; & addit: si non adfuerit serum, lac asininum coquito & exhibito per quatuor dies.* Ratio, quare potus feri lactis caprini, vel lactis asinini, post fortio-rem ab acriori cathartico purgationem, maxime salutaris sit, hanc esse reor. Validiora purgantia, caustico & fere virulento sale, tenerrimas intestinorum tunicas arrodente, suam exserunt operationem, & copiosas cum torminibus movent deiectiones, quas ob subtractam nimis intestinis humiditatem & tunicas eorum valde contractas & constrictas, sequentibus diebus, alvus dura, tensa & constricta; non sine molestia sequitur. Serum autem vel lac dilutum, assumtis iis ingestum, succum & humidum intestinis reddit, fibras tensas & crispatas emollit & laxat, spiculorum acris purgantis tunicis exquisito sensu dotatis adhuc infixorum inhærentium agies obtundit, & leniori ac blando stimulo alvum consti-
patam

patam expedit ac solvit. Ipsi quoque confirmatius testamur: quod in hypercatharsi tam metuenda avertenda, quam præsenti compescenda, siue fuerit per catharticum, siue emeticum excitata; certius & præsentiუს remedium non deprehenderimus ipso lacte bubulo, cuius etiam expertissimum ad infringendam arsenici infamem virulentiam est præsidium. Non minus plurimis exemplis confirmatum habemus, eadem plane ratione a fortiori emetico, mercurio vitæ, pulvere Monckii, inconsulto & perperam, liberalius quoque oblato, enormes vomitiones obortas, solo lacte, vel eius sero, calide sumto, cohibitas fuisse atque sopitas. Ut adeo non sine gravi ratione existimem: convenientius vehiculum, si emeticum, vel purgans dandum, non facile reperiundum fore, quam lactis serum rite præparatum, quippe quod, præter utilissimam humores lentos mobiles & evacuationi aptos reddentem facultatem, egregie simul virulentiam eiusmodi pharmacis propriam contemperat atque emendat.

§. XX.

Deinceps superius diximus, serum lactis, ob insitum sal dulce, excretioni dicata organa stimulare eademque proritare, id quod potissimum de ea, quæ per alvi secessum succedit, intelligendum. Mitior autem & remissior est operatio hæc, eamque ob causam commodissima & utilissima, ubi validioribus alvum exercere virium aliarumque circumstantiarum ratio interdicat, imprimis in morbis ubi purgatio periculosa est, nec non in febribus & omni fere æstu præternaturali. Veteres quidem lac asininum his in casibus potissimum exhibere fieverunt, & HIPPOCRATES in febre quotidiana ex bile, & in febre interficiente appellata *Lib. II. de Morbis* illud commendat, nec non in febre ardente *Lib. IV. Acutorum v. 10.* & in erysipelate *Lib. II. de Morbis* lacte corpus

pus purgandum esse præcipit. Sed ubi lactis asinini copia deest serum lactis caprini, adiecta mannæ portione quadam, quæ cum sale essentiali dulci lactis magnam alit convenientiam, in iisdem morbis & casibus surrogari potest, ac præsertim in calore hectico, magno cum commodo exhiberi posse, multiplici nobis compertum est experientia.

§. XXI.

Quamvis vero serum lactis, præsertim asinini, liberalius haustum, egregium admodum sit laxans; expedit tamen sæpius, ubi ventriculus largiorem copiam ferre nequit, parciori dosi illud exhibere, & eius deiectionariam vim, addito alio laxante clemente, acuere atque intendere. Commodissima autem hunc in finem sunt manna, sirupus rosarum solutivus, sirupus de cichorio cum rhabarbaro, cremor tartari, vel eius terra foliata; utilissime quoque cum tamarindis & radice polypodii decoquitur, & postea sal polychrestum, si ve arcanum duplicatum, manna vel etiam roob sambuci, quod maiori in quantitate etiam alvum subducit, adijcitur. Et hoc modo parato sero laxante summo cum fructu eoque non satis prædicando *D.D. PRÆSES* frequentius utitur, in primis ubi natura imbecillis, ut in senibus & infantibus, vel ex morbo debilitatis, aut non ita pridem convalescentibus, vel etiam ubi in febribus etiam exanthematicis, variolis, morbillis &c. alvus diutius suppressa detrimentum minatur. Porro quando in pectoris affectibus, tussi ferina & sicca, vel etiam nimis humida atque catarrhali, aut lenta febre, alvum ducere ex usu est, commodissime id perficitur, si unciaë duæ vel tres mannæ, in libra una feri lactis solvuntur, cremoris tartari vel terræ foliatæ tartari drachma adijcitur, ad palati gratiam duæ vel tres olei de cedro guttæ instillantur, & ita confecta potio tribus vicibus successive assumitur. Flores quoque acaciæ & persicorum, cum sero lactis caprini

prini calido infusi, laxatoriam eius vini augment, præsertim adiecto sale digestivo, vel manna.

§. XXII.

Quod si igitur expedit, ut vere vel æstate, prima corporis regio a sordibus depleatur, vel ad cacochymiam tollendam laxans propinetur medicina: certe eiusmodi serum lactis laxantibus ita acuaturn, singulis diebus ad dimidiam mensuram per aliquot septimanas utiliter sumi potest. Et instituta sic cura ita dicta vernalis gracilibus, attenuatis & sensibilibioribus corporibus juvenibus maxime, longe tutior, longeque salubrior est, omnibus aliis vulgaris usus nodulis, sive infusis & vinis medicatis, purgantibus & sanguinem purificantibus. Non minus in principio dysentericæ apprime conducibile est, ut mordaces caustici succi nervosam intestinorum tunicam gravius infestantes, arrodentes & inflammationem suscitantes, clementer evocentur; quod quidem aptissime lacte asinino perficitur, ubi vero hoc non suppetit, serum lactis caprilli, adiectis aliquot extracti rhabarbari granis, cum una, vel una & dimidia mannæ uncia eundem exoptatum effectum præstabit. Et sane antiquissimus seris lactis in dysenteria est usus. Ipse HIPPOCRATES *lib. epid. VI.* quum dolor circa totum ventrem, & labores, surrectio multa & subcruenta fere, jam per viginti dies esset, Adriano & puero Cenæi, caprillum serum & lac asininum coctum propinavit. Recte enim hunc morbum judicat VALESIUS fuisse dysentericum, & *comment. in b. l.* in dysenteria autumnali lactis serum silice candefactum laudat, & scribit: *egestiones biliosas subcrueas cum vehementi ventris dolore, ubi serum & lac bibisset aeger, longe moderatiores fuisse factas.*

§. XXIII.

Si quando etiam validioribus ad educendas copiosas in leucophlegmatia, sive anasarca, opus est remediis, uti sunt extractum esulæ, ellebori nigri, hæc ipsa non modo securissime, sed & optime & accommodissime cum lacte asinino, vel sero miscentur & propinantur:

sumendo drachmam dimidiam purgantis eiusmodi pharmaci ad libram unam feri, & per vices mixturam e-bibendo. Similiter quum maxime salutare sit, ut ante usum aquarum mineralium, vel etiam finita cura, primæ viæ a sordibus collectis, vel aquis retentis, liberentur ac depleantur: nihil, nostra quidem experientia, tutius & præstantius ipso sero lactis, in quo minimum uncia tres mannæ, cum una & dimidia drachma cremoris tartari solutæ fuerunt, reperire licuit; inde enim sex vel octo secessus sine omni molestia motos & miram quantitatem aquarum exturbatam fuisse, non semel, sed sæpius, a D. D. PRÆSIDE observatum est. Quinimmo ubicunq; ob fæcum copiam & nimiam siccitatem, alvum mollire & evacuari necessarium est: nil quoque præstantius & efficacius est quam serum lactis cum manna, addita sufficiente quantitate olei amygdalarum dulcium, assumere & quoq; per clysterem ano, ad lubricanda intestina & stercora emollienda, infundere. §. XXIV.

At vero præter has egregias utilitates, quas serum lactis in primis viis ad alvi solutionem præstat: aliis adhuc laudatissimis facultatibus splendet, quas ultra primam corporis regionem explicat & in iis morbis exhibet, qui lentis adolescunt incrementis & ex visceribus male affectis incunabula trahunt ac longius extrahuntur, quorum in numero haud infimum locum obtinet scorbutus, sive cachexia scorbutica, tot malorum & atrocium symptomatum fons. Sane, si curatius paullo præstantissima peritissimorum Medicorum qui de scorbuto ex instituto egerunt scripta, ut EUGALENI, *Balthas.* BRUNNERI, *Henr.* BRUCÆI, RONSÆI, WIERI, *Salom.* ALBERTI, *Math.* MARTINI, DRABIZII evolvimus ac lustramus, ad unum omnes ferme candide fatentur: sola diæta lactea, vel sero lactis, cum antiscorbuticis herbis decocto & diutius usurpato, in pessimis, quæ scorbutus importat symptomatibus, ut doloribus acutis, ventris torminibus, vomitibus, atrophia, febribus lentis, plus præstitisse, quam ullis aliis auxiliorum gene-

generibus, & molestissimo malo tabescentes plus etiam virium hinc hausisse, quam ex optimis roborantibus & artificiosis analeptis. Mos scilicet fuit usu exercitatis his Medicis, ut herbas anti-scorbuticas ut cochleariam, beccabungam, nasturtium aquaticum, comas absynthii, acetosam, fumariam, scolopendrium, epithymum, betonicam, carduum benedictum, centaurium minus, trifolium fibrinum cum lacte decoquerent, & quotidie matutinis horis mensuram dimidiam, vel etiam plus adhuc, scorbuto detentis calide propinarent, & simplici hoc remedio rebellem morbi contumaciam superarent & dira omnia symptomata abigerent.

§. XXV.

Audiamus tantisper, quam magnifice de feri lactis in scorbutica labe percuranda incomparabili utilitate senserint probatissimi hi auctores. Primus sit Io. WIERVS, qui in *tract. de scorbuto* p. m. 334. solidum hoc interposuit iudicium: *quod, ait, in lacte plantas antiscorbuticas coquant, expressumque liquorem felici successu hauriant egroti, id feri magis, quam lactis ratione, evenire sentiendum; in cribro butyri & casei coagulum remanet, serum autem quod transfluit & tenuium partium est, abstergit, aperit, urinas movet atque ad scorbuticæ luis profligationem cum primis utile, ex priscorum etiam AETII, GALENI, testimoniis est.* Porro Math. MARTINI *Lib. de Scorbuto* p. 679. de lactis in scorbutica lue usu hæc habet: *Rationibus egrotantium mirifice conducit lac caprinum, totius morbi decursu exhibitum, quod non alvum modo moderate subducit, sed & concoctu facile & adstrictoria sua facultate viscerum atoniam emendat, & ad reparandas vires accommodatissimum est; ne tamen hypochondria inflet, & in ventriculo debili coaguletur, aquæ nonnihil, vel salis, aut sacchari momentum, adjiciendum est.* At vero hic metus fere omnis supervacaneus est, si loco lactis caprini, eius serum, vel lac asininum, in usum trahatur; in primis quum herbas antiscorbuticas supra memoratus non in lacte, sed sero coquendas esse Bald. RONSEUS *Tr. de scorbu-*

scorbuto adinoneat. Denique etiam de fero lactis capri-
ni eiusque præstabili in scorbuto facultate, egregium te-
stimonium perhibet MOLLENBROCCIIUS in *Lib. de*
arthritide vaga & scorbutica p. 193. *Serum lactis, inquit,*
imprimis caprini, multum prodest in scorbuto; & scribunt
Salernitani:

Inciditque, lavat, penetrat mundat quoque serum.
Serum enim ratione aquosæ suæ humiditatis, ea quæ salsa
sunt, solvit, ratione vero nitri abstergit parietibus venarum
adherentia, ac alvum, absque aliqua mordacitate, leniter
subducit; & ratione occulti alcali volatilis refrigerat. Un-
de agrestes Frisii ac Batavi quotidiano seri usu a scorbuto pa-
trio sese muniunt ac liberant. Magis autem accommoda-
tum redditur, si cum herbis antiscorbuticis ebulliat, aut in-
fundatur. §. XXVI.

Et si verum fateri licet: certe in sævissimo illo af-
fectuum chronicorum, scorbuto, non facile certius &
præstantius datur auxilii genus ipso lactis fero, dolci
nempe, ex lacte asinino, vel caprino nostro modo & me-
thodo paratum. Quum enim origo huius pertinacis
luis nonnisi summa humorum vitalium impuritas sit, or-
ta a salino-sulphureis excrementitiis sordibus, ob defi-
cientem excretionum successum in corpore retentis,
& motu intestino calido, variaque partium inter se
combinatione, magis corrupti, quæ partes solidas inte-
riores & exteriores acutioris sensus lancinando & arro-
dendo, dolores non modo atroces, sed & varii generis
maculas & exulcerationes in summa cute pariunt: ad a-
molienda dira hæc mala, certe non aliud scopo medico
accommodum & salubre est præsidium, quam quod falso-
acres humores diluit, contemperat, minima emunctori-
orum vascula obstructa recludit, humores viscidos in-
cidendo, viscera a stagnatione feri & sanguinis liberat,
alvinam excretionem, urinæ fluxum nec non perspirati-
onem, sine ulla noxa & exagitatione, clementissime adiu-
vat & promovet, ac nervosis præterea partibus blandum
atque amicum est. Sed omnes has nobilissimas faculta-
tes

tes in fero lactis rite preparato reconditas, & certo ab eodem expectandas esse, jam ex superioribus abunde constare arbitror. Quare etiam non sine ratione a Medicorum antiquissimis HIPPOCRATE, GALENO, DIOSCORIDE, PLINIO, AETIO, MESUE in morbis, qui ab humorum impuritate incunabula trahunt, tantopere feri lactis usus laudatus & commendatus fuit. Tenendum tamen est, quod in eiusmodi longis & refractariis vitiis, feri potus, non secus ac cum foteriis aquis solenne est, per mensem & ultra convenienti data mensura extendendus sit & continuandus. Quinimmo licet in bilio- & calidis naturis solum lactis serum sufficiens sit: attamen si humores sunt crassiores, corpora segniora, frigida & humida, præstat utique herbas amaras, & sic dictas anti-scorbuticas, quæ præter oleum volatile, amaritiam maxime in hisce morbis salutarem custodiunt, moderata dosi incoquere, idque sic exhibere.

§. XXIX.

Non minus eximia & longe præstantissima feri lactis utilitas est in iis morbis, qui motibus spasmodicis & nervosarum partium constrictionibus suam ludunt tragœdiam, & totam œconomiam vitalium motuum, tum secretoriorum, tum excretoriorum, pervertunt, quos inter præcipuum in nostro climate locum sibi vindicat affectus sic dictus hypochondriacus, qui in foeminis hystericus audit, & nostro tempore non solum frequentissimus, sed etiam, ob perversam vulgarem curandi rationem, contumacissimus est. Hic sedem suam obtinet & tyrannidem potissimum exercet in ventriculi & intestinorum canali nerveo-membranoso, per spasmos continuos & flatus, quibus totum nervosarum partium genus in consensum rapitur, ut iisdem motibus agitetur, unde inæqualis sanguinis & humorum fit cursus, ut is a partibus exterioribus ad interiores, præsertim ad caput & pectus ruat, & pessima ibi suscitetur symptomata. Præcipua vero truculenti huius mali causa in summa imbecillitate generis nervosi, ex parte nativa, ex parte etiam per noxam

earum rerum, quæ vires frangunt, texturæ & motui nervosarum partium adversantur, inducta, quærenda est: cui, si postea accedit ob intermissum corporis motum & exercitationem nec non pravam victus rationem, sanguinis spissioris copia, is in contorto intestinorum volumine ob impeditum per hepar liberum transitum stagnans, flatulentias & spasmos longe magis adauget & exacerbat. Et quod magis adhuc est, quia affectus hic, visceribus in hypochondriorum regione sitis firmitus innidulatur & universum nervosarum partium systema afficit, latius quoque noxam spargit & reliquas corporis partes gravi damno maculat, ut in primis caput exinde graviter luat & vertigines, epilepsiæ, paralytes melancholiæ, mania exoriantur, a spasmis autem, corporis interiora detinentibus, naturalium excretionum saluberrimum negotium mirifice turbetur ac pervertatur, quo tam sanguinis per ani & uteri venas, quam sordium per alvum, urinam, sudorem, eliminatio, vel plane cohibeatur, vel inordinate succedat, aut nonnunquam etiam excessu delinquat.

§. XXIX.

Ad hæc igitur capitalia sævissima mala efficaciter debellanda & subigenda, non utilius, non tutius & certius sero lactis, vel lacte asinino, aut lacte caprillo, cum fontibus mineralibus mixto, meo quidem iudicio & invento, reperitur remedium; si nempe debito tempore, mensura ac regimine, non secus ac cum aquis mineralibus fieri suevit, cum eodem cura instituitur. Et certe ego firmis & momentosis rationibus inductus, asserere non dubito: plus præstari in sævis hisce affectibus hoc modo adornata cura posse, quam cum solis aquis mineralibus. Desiderat enim eiusmodi morbus spasmodicus, remedium quod temperatum & naturæ amicum est, quod humores tenaces viscidos fluidos reddit, obstructa minima vascula aperit, falsos acres humores contemperat, & clementi stimulo omnis generis excretiones promovet, quæ omnia in sero lactis dulci comprehenduntur, & quod virtute omnia reliqua in hoc casu antecellit, modo recte administretur, neque si non statim notabilem in melius mutationem inferat, ab eius usu ægri desistant, & congrua etiam alia præsidia pro diversitate corporum & symptomatum, admisceantur vel interponantur.

§. XXXIX.

Et egregias has laudatissimasque sero insitas dotes, Iovinium opti-

optime perspectas habuit, celebris olim Italorum Medicus *Benedictus SYLVATICVS*, quippe qui, in consiliis suis passim in gravissimis & maxime rebellibus morborum generibus sero lactis & asinino lacte usum se esse conceptis verbis testatur. Neque alienum erit brevibus hoc loco memorare, quibus in affectibus & qua ratione id usurparit. Is igitur *Consil. 58. Cent. I.* in pathematibus melancholicis & maniacis serum lactis caprini cum sirupo de polypodio & seminibus malorum in emulsione in redactorum, suadet; *consil. 6.* in affectu melancholico-hypochondriaco idem serum per quindecim dies ad libras quatuor quotidie potum mirifice dilaudat. Porro *Consil. 65.* serum hoc caprinum, optime depuratum, cum coina absynthii infusum per aliquot dies præscribendum esse præcipit, ac *Consil. 73.* in melancholia-hypochondriaca eidem instillare jubet chalybem potabilem cum oleo citri, & sic propinare. Præterea in semiparalyti serum lactis caprini cum cremore tartari & rhabbaro magis deiectorium, & postea cum ceterach, capill. veneris, radic. fœniculi, petroselini, adiectis aliquot guttis spiritus vitrioli, magis diureticum factum, utile esse perhibet. Syncopen quoque epilepticam cum sero caprino perfavit, ita quidem, ut suumeret serum optime depuratum cum succo limonum, idque primum exhiberet, quarta vero die deiectorium redderet, infundendo quatuor eius uncias, cum drachma una rhabbari & foliis sennæ, superbibendo tres seri libras & intermediis tribus diebus libram unam seri, inaceratis prius in eo floribus pœoniæ, rutæ caprinæ, melissæ & corticibus citri propinaret. Non minus in passione hysterica seri lactis usum *Cent. II. Consil. 68.* mirifice dilaudat, nec non in morbo nigro sic dicto Hippocratis *Consil. 77.* in sanguinis vomitu *Consil. 82.* & in sputo cruento, *Consil. 34. & 35.* Idem laudatissimus auctor diarrhæam & tenesimum sirupo rosarum solutivo, julepo. tamarindorum, ingerendo postea serum lactis caprilli destillatum, se abegisse prædixit. Similiter tumoris cancrofi in mamma incipientis minas *Cent. II. Consil. 32.* solutis in sero caprillo tribus mannæ unciis & oblati repressit ac jugulavit. Et tandem in inquinamento gallico, tabe, febre lenta *Cent. IV. Consil. 92.* idem remedium præstabilem tulisse opem confirmat.

§. XXX.

Nos quoque confirmatius asserimus: quod incomparabilem seri lactis utilitatem in quamplurimis morbis deprehenderimus. Et ut hoc eo testatius elucescat: placet ultimo loco quasdam subnectere observationes & notabiles casus, quos intra mensis spatium annotavimus. Acceperat vir quidam triginta annorum non adeo robustus

buſtus, a ſtudioſo Medicinæ pilulas, neſcio quas, purgantes, quæ tam fortiter & valide operationem ſuam exſequuntæ ſunt, ut, licet dimidiam earum partem ipſa ſub aſſumptione vomitu rejiceret, per plures tamen poſtea dies alvus jugiter flueret & vel centies depomeretur, quo factum eſt, ut vires penitus collabaſcerent, appetentia ciborum intercideret ſomnusque inquietus, acciſus & fere nullus eſſet. Acceſſit febris erratica intermittens, tandem in lentam, vires & corpus penitus conſumentem, degenerans. Conclamatis ſic propemodum rebus, arden- iſſimis precibus a Dn. PRÆSIDE auxilium flagitavit, qui ad lectum ægroti accedens, eundem jam per aliquot hebdomades decubiſſe & ſudoribus nocturnis colliquatiuis nec non febre lenta tabeſcere, cuius index erat pulſus jugite rccler & debilis, percepit. Suasit igitur ut ſepoſitis omni- bus medicamentis ſerum lactis caprilli, cuius præparationem tradebat, quotidie per vices ad menſuram hauriret, ſimulque guttas XII. liquoris anodynæ aſſumeret, & crebrius decoctum diluti- us avenaceum ſorbillaret, eo- que per quatuordecim dies continuato, ſomnus rediit, appetentia reſuſcitata, vires reſocillatæ & æger ita cum ſanitate in gratiam rediit, ut munia ſua iterum obire poſſet. §. XXXI.

Succurrunt adhuc alii caſus memoratu digni. Generoſus Jurisſtudioſus iracundia commotus & mœrore affectus, nauſea & vomendi conatu infeſtabatur, quem ut ſublevaret, per amicum a pharmaco- pœo petit emeticum; ſed eodem aſſumpto, non ſolum crebrius vomuit, ſed etiam in ſummam virium proſtrationem delapſus eſt, cum incendio ſtomachi, aſſidua vigilia ſibi, & ciborum faſtidio. Accitus Dn. PRÆSES, ventriculi inflammationem metuens, nihil aliud quam ſerum lactis, ex noſtra ſententia paratum, cum emulſione ex quatuor ſeminibus frigidis, ad aliquot uncias, tam interdium quam noctu, interpolatis vicibus bibendum præcepit, quo ardor cum æſtu extinctus, pulſus & ſonitus ad quietem & ordinem traducti ſummaque ſanitatis ſpes aſſuſcit. Similiter nobilis puella, trium circiter annorum, tenerioris conſtitutionis, ut ſeſe adverſus, variolarum populares circuitus tum habere, incurſum muniret, ex conſilio Medici purgans ex radice jalappa & mercurio dulci deglutit, a quo bis quidem vel ter tantum deſecit, ſed appetitus penitus proſternebatur & ipſa corpus jaſtitando inſomnes tranſigebat noctes ac ſibi mirifice excruciabatur, cum æſtu corporis intenſo & pulſu celeri. Acceſſit Dn. PRÆSES & commendavit lactis ſerum, ſecundum noſtram methodum parandum, cuius uſu ſymptomatibus ſucceſſive penitus exſpirantibus, ſanitati reddita fuit ægra. Ex quibus quum pateſcat; incomparabilem in variis morbis eſſe ſeri utilitatem: nihil jam ſuper eſt, quam ut nobiliſſimi huius remedii uſum aliis, qui artis exercitium agitant, de meliori quoque commendemus, & ut quam- plurimis in ſalutem cedat voceamus,